

ची॒णि ह॒वीः॒षि निर्व॑पति । वि॒राज॑ए॒व वि॒क्रान्तं॑ य-  
ज॑मा॒नो नु॒विक्र॑मते । अ॒ग्नये॒ पव॑मानाय । अ॒ग्नये॑ पाव॒-  
काय॑ । अ॒ग्नये॒ शुच॑ये । यद्ग्नये॒ पव॑मानाय निर्व॑पति ।  
पु॒नात्ये॒वैनं॑ । यद्ग्नये॑ पाव॒काय॑ । पू॒तए॒वास्मि॑न्न॒न्नाद्यं॑  
द॒धाति॑ । यद्ग्नये॒ शुच॑ये ॥ ब्र॒ह्मव॒र्चस॑मे॒वास्मि॑न्नुपरि॒ष्टा-  
ह॒धाति॑ ॥ १० ॥

ए॒नमा॒हव॒नीयं॑ धत्तेऽश्व॒त्वं वर्त्त॑यति कुरु॒तइति॑ रु॒द्रो  
द॒धाति॑ यद्ग्नये॒ शुच॑य॒एक॑ञ्च ॥ अनु० ५ ॥

षष्ठोऽनुवाकः ।

दे॒वा॒सुराः॑ संय॑त्ता॒आसन्॑ । ते दे॒वावि॑ज॒यमु॑प॒य-  
न्तः॑ । अ॒ग्नौ वा॒मं वसु॑ स॒न्ध॒दध॑त । इ॒दमु॑ नो भविष्यति ।  
यदि॑ नो जे॒ष्यन्ती॑ति । तद्गि॒र्नोत्स॑ह॒मश॑क्नोत् । तत्  
चे॒धा वि॒न्य॒दधा॑त् । प॒शुषु॒ तृती॑यं । अ॒प्सु तृती॑यं । आ॒-  
दि॒त्ये तृती॑यं ॥ १ ॥

तद्दे॒वावि॑जित्य । पु॒नर॑वा॒रुरु॑त्सन्त । तेऽग्नये॒ पव॑मा॒-  
नाय॑ पु॒रोडा॑श॒मष्टा॑क॒पालं॑ नि॒रव॑पन् । प॒श्वोवा॑अ॒ग्निः  
पव॑मानः । यद्दे॒व प॒शुष्वा॑सीत् । तत्ते॒नाव॑ारु॒न्धत॑ । तेऽग्नये॒  
पाव॑काय । आ॒पोवा॑अ॒ग्निः पा॒वकः॑ । यद्दे॒वाष्वा॑सीत् ।  
तत्ते॒नाव॑ारु॒न्धत॑ ॥ २ ॥